

萬有文庫

第二集七百種

王雲五主編

漢書補注

(七十三)

王先謙補注

商務印書館發行

漢書補注

(七十三)

王先謙補注

國學基本叢書

蓋諸葛劉鄭孫母將何傳第四十七

漢書七十七

漢 蘭 臺 令 史班 固 撰

唐正議大夫行祕書少監琅邪縣開國子顏師古 注

賜進士出身翰林院編修國子監祭酒加三級臣王先謙補注

蓋寬饒字次公魏郡人也

師古曰蓋音公蓋反

明經爲郡文學。目孝廉爲郎。舉正方對策高第。遷諫大夫。行郎中

戶將事

師古曰百官公卿表郎中令屬官有郎中車戶騎三將蓋各目所主爲名也戶將者主戶衛也

劾奏衛將軍張安世子侍中陽都侯彭祖不下殿門

師古曰過

殿門不下車也

并連及安世居位無補彭祖時實下門寬饒坐舉奏大臣非是

師古曰不目實也

左遷爲衛司馬

蘇林曰如

今衛士令也臣瓚曰漢注有衛屯司馬補注先謙曰衛屯司馬亦作屯衛司馬百官表衛尉掌宮門衛屯兵屬有諸屯衛候司馬十二官屯衛候司馬者謂衛候衛司馬也衛候見馮奉世傳衛司馬亦見元紀谷永鄭吉傳屯兵爲衛故又稱屯衛司馬馮遂傳爲長樂屯衛司馬以屯衛並言是其證百官表別有衛士令蘇說誤也

先是時衛司馬在部見衛尉拜謁常爲衛官繇使市買

師古曰繇讀與徭同補注王文彬曰衛官謂衛

尉官舍下衛官同觀下衛尉私使寬饒出則知衛官非指衛尉屬官也

寬饒視事案舊令遂揖官屬目下行衛者

蘇林曰衛尉官屬也或曰詔遣使行衛者也師古曰或說非也行音下更

反〔補注〕劉敞曰案此文錯亂本當云寬饒視事案舊令遂揖衛尉沈欽韓曰案衛司馬於衛尉部曲也亦猶三署郎見光祿勳執版拜不當僅揖疑上文見衛尉拜謁脫官屬二字先謙曰下云候司馬不拜則見衛尉亦不拜矣舊令如此不當以意比例沈說非上言見衛尉拜此云揖官屬於文不備劉說近之案百官表衛尉屬官有公車司馬衛士旅賁三令丞衛士三丞此云官屬以下行衛者蓋專指衛士令丞言之

衛尉私使寬饒出寬饒目令詣官府門

上謁辭

文穎曰私見使而公辭尙書也蘇林曰目法詣衛尉府門上謁也師古曰文說是也〔補注〕許應元曰文說非也蓋上謁辭闕庭耳尙書主通章奏故得責問衛尉若今報單是也上奏辭卽上謁辭也往時不辭辭自寬饒始故自是衛尉不敢

私使候司馬也先置衛者當出則輟其宿衛之事也如說亦非

尙書責問衛尉

文穎曰由寬饒目法令不給使尙書責衛尉不復使司馬

由是衛官不復私使候司馬

〔補注〕先謙曰因司

馬以及候皆不敢私使

候司馬不拜出先置衛輒上奏辭

如淳曰天子出爲天子先導先天子發故上奏辭

自此正焉寬饒初拜爲司馬未出

殿門

〔補注〕周壽昌曰漢舊儀云衛尉寺在宮內胡廣云主宮闕之門內衛士於周廬爲區廬區廬若今之宿仗屋矣

斷其禪衣令短離地

師古曰禪音單其字從衣〔補注〕沈欽韓曰方言禪衣江淮南楚之間謂

之襦古謂之深衣

冠大冠帶長劍躬案行士卒廬室視其飲食居處有疾病者身自撫循臨問加致醫藥遇之

甚有恩及歲盡交代上臨饗罷衛卒

師古曰得代當歸者也〔補注〕先謙曰漢儀正月五日大置酒饗衛士也

衛卒數千人皆叩頭自請願復畱

共更一年

師古曰更猶今言上番也音工衛反〔補注〕先謙曰共讀曰供

目報寬饒厚德宣帝嘉之目寬饒爲太中大夫使行風俗

師古曰行音下

反。更多所稱舉貶黜。奉使稱意。擢爲司隸校尉。刺舉無所迴避。小大輒舉。所劾奏衆多。廷尉處其法。半用

半不用。

師古曰。目其峻刻。故有不用者。

公卿貴戚及郡國吏繇使至長安。皆恐懼莫敢犯禁。

師古曰。繇讀與僇同。供徭役及爲使而來者。

京師爲

清。平恩侯許伯入第。

師古曰。許伯。皇太子外祖也。入第者。治第新成。始入居之。

丞相御史將軍中二千石皆賀。寬饒不行。

〔補注〕先謙曰。百官表。司隸校尉二

石。千

許伯請之。迺往。從西階上。東鄉特坐。

師古曰。言自尊抗。無所詘也。鄉讀曰嚮。

許伯自酌曰。蓋君後至。寬饒曰。無多酌我。

我迺酒狂。丞相魏侯笑曰。

〔補注〕宋祁曰。笑或作嘆。錢大昕曰。史家敘事之詞。當稱人名。此傳稱魏相爲魏侯。鄭崇傳稱賈禹爲賈公。司馬相如傳。或稱長卿。儒林傳。或稱丁寬爲丁將軍。費直爲費公。召信臣傳末云。九江

以召父。皆援引舊文。未及刊正。

次公醒而狂。何必酒也。坐者皆屬目卑下之。

師古曰。屬猶注也。音之欲反下。音胡稼反。〔補注〕先謙曰。卑下之。謂自詘降。

酒酣樂作。長

信少府檀長卿起舞。爲沐猴與狗鬪。

師古曰。沐猴。鬻猴。〔補注〕沈欽韓曰。樂記。優侏儒。優雜子女。鄭云。擾獼猴。言舞者如獼猴。正義引漢書。此事先謙曰。官本。鬻作獼。

坐皆大笑。寬

饒不說。叩視屋而歎。

師古曰。說讀曰悅。叩讀曰仰。〔補注〕宋祁曰。坐字下疑有者字。

曰。美哉。然富貴無常。忽則易人。

〔補注〕先謙曰。言忽然而更易。此如傳

舍所閱多矣。

師古曰。言如客舍。行客輒過之。故多所經歷也。〔補注〕先謙曰。寬饒視屋而言。此謂屋也。

唯謹慎爲得久。君侯可不戒哉。因起趨出。劾奏長信

少府目列卿而沐猴舞。

〔補注〕錢大昭曰：少府列於九卿，故長信少府亦稱列卿，然其名不列於表。

失禮不敬，上欲罪少府，許伯爲謝，良久，上迺

解寬饒爲人，剛直高節，志在奉公，家貧，奉錢月數千。

師古曰：奉，音扶用反。

半目給吏民爲耳目言事者，身爲司隸，

子常步行自戍北邊。

蘇林曰：子自行戍不取代。〔補注〕沈欽韓曰：如淳云，雖丞相子亦在戍邊之調，寬饒以貧故不能雇人。

公廉如此，然深刻喜陷害人。

師古曰：喜，音許吏反。

在位及貴戚人與爲怨。

師古曰：人，人皆怨之。

又好言事刺譏，奸犯上意。

師古曰：奸音干。

上目其儒者，優容之，然亦不得遷。

同列後進，或至九卿，寬饒自目行清能高，有益於國，而爲凡庸所越。

〔補注〕宋祁曰：庸疑是庶字，浙本作庸。

愈失意，不快，數

上疏諫爭，太子庶子王生高寬饒節，而非其如此。予書曰：明主知君絜白公正，不畏彊禦。

師古曰：彊禦，彊梁而禦善者也。

〔補注〕劉奉世曰：禦，禁也，言威力足以禁制於人。爾雅云：王念孫曰：禦亦彊也。說詳經義述聞，曾見彊禦下。

故命君目司察之位，擅君目奉使之權，尊官厚祿，已施於

君矣。君宜夙夜惟思，當世之務，奉法宣化，優勞天下，雖日有益，月有功，猶未足目稱職而報恩也。自古

之治，三王之術，各有制度。

師古曰：三王，謂夏殷周，文質不同也。

今君不務循職而已。

〔補注〕宋祁曰：循一作修。

迺欲目太古久遠之事，匡

拂天子。師古曰匡正也。拂讀曰弼。數進不用難聽之語。目靡切左右。非所目揚令名。全壽命者也。方今用事之人。皆

明習法令。言足目飾君之辭。〔補注〕先謙曰。飾謂增成之。文足目成君之過。君不惟遽氏之高蹤。師古曰。遽伯玉邦無道則可卷而懷之。

而慕子胥之末行。師古曰。伍子胥知吳王不可諫而不能止。自取誅滅也。用不訾之軀。臨不測之險。師古曰。訾與貲同。不貲者。言無貲量。可目比之。貴重之極也。不測。謂深也。竊

爲君痛之。夫君子直而不挺。曲而不詘。師古曰。挺然直貌。言雖執直道而遭遇時變。與時紆曲。然其本志不屈。機也。挺音吐鼎反。〔補注〕劉奉世曰。此所謂內直而外曲。顏說未盡。宋祁曰。注文遇時

字疑是。大雅云。既明且哲。目保其身。師古曰。烝民之詩也。言明智者可目自全。不至亡身。狂夫之言。聖人擇焉。唯裁省覽。〔補注〕先謙曰。裁與財同。

猶言少也。詳賈誼傳。寬饒不納其言。是時上方用刑法。信任中尙書宦官。寬饒奏封事曰。方今聖道寤廢。儒術不

行。師古曰。寤漸也。目刑餘爲周召。師古曰。言使奄人當權軸也。周謂周公旦也。召謂召公奭也。召讀曰邵。目法律爲詩書。師古曰。言目行法成教化也。〔補注〕先謙曰。官本注。行作刑。是。又

引韓氏易傳言。五帝官天下。三王家天下。〔補注〕沈欽韓曰。御覽一百九十三。引韓詩外傳。有此語。下云。故自唐虞以上。經傳無太子稱號。夏殷之王。雖則傳嗣。其文略矣。至周始見文王世子之

制。〔案山海經。顓頊有太子長琴。呂覽。殷太史據法爭紂爲太子。後儒但據二十八篇之書。以爲古無太子耳。〕說苑至公篇。博士鮑白令之對秦始皇曰。天下官則讓賢。天下家則世繼。故五帝以天下爲官。三王以天下爲家。後世官家之稱本此。〔文選。千令昇。昇紀

總論云。至乃易天子以太上之號。而有免官之議。注。臧榮緒晉書曰。中書令繆播云。太史案星變事。當有免官天子。俚俗之談。亦本於此。

得其人。則不居其位。書奏。上。目寬饒怨謗終不改。下其書中二千石。時執金吾議。〔補注〕錢大昭曰。目爲

寬饒指意欲求禮。大逆不道。〔師古曰。禮。古禪字。言欲使天子傳位於己。〕諫大夫鄭昌。愍傷寬饒忠直憂國。昌言事不當意。而爲

文吏所詆挫。〔師古曰。詆。毀也。挫。折也。〕上書頌寬饒曰。〔師古曰。頌。謂稱其美。〔補注〕劉奉世曰。頌讀如尙書自訟之訟。周壽昌曰。劉說是。〕臣聞山有猛獸。藜藿爲之

不采。國有忠臣。姦邪爲之不起。〔補注〕沈欽韓曰。文子尙德篇。山有猛獸。林木爲之不斬。園有螻蟲。葵藿爲之不采。〔吳曾能改齋漫錄。以此語爲是。采。藜藿者。不必於山。〕國有賢者。折衝千里。〔淮南說山訓

襲之。〕鹽鐵論引作春秋曰云云。知此語由來已久。范蔚宗孔融傳贊引此傳。蓋就事論事耳。司隸校尉寬饒。居不求安。食不求飽。〔師古曰。論語稱孔子曰。君子食無求飽。居無求安。故引之。〕進有

憂國之心。退有死節之義。上無許史之屬。下無金張之託。〔應劭曰。許伯。宣帝皇后父。史高。宣帝外家也。金。金日磾也。張。張安世也。此四家屬無不聽。師古曰。此說非也。許

氏。史氏有外屬之恩。金氏張氏自託在於近狎也。屬讀如本字也。〔補注〕宋祁曰。注未也字。當刪。何焯曰。屬當讀之欲反。謂屬託也。應說是。以下文直道而行多讐少與之語求之。自見。〕職在司察。直道而行。多仇少與。

〔師古曰。仇。怨讐也。與。黨與也。〕上書陳國事。有司劾目大辟。臣幸得從大夫之後。官目諫爲名。不敢不言。上不聽。遂下寬

饒吏寬饒引佩刀自刳北闕下衆莫不憐之。

諸葛豐。

〔補注〕沈欽韓曰吳志注風俗通曰葛嬰爲陳涉將軍有功而誅孝文帝追錄封其孫諸縣侯因并氏焉。

字少季琅邪人也。目明經爲郡文學名特立剛直貢。

禹爲御史大夫除豐爲屬舉侍御史元帝擢爲司隸校尉刺舉無所避京師爲之語曰閒何闊逢諸葛。

師古曰言閒者何久闊不相見目逢諸葛故也。

上嘉其節加豐秩光祿大夫。

〔補注〕先謙曰百官表光祿大夫秩比二千石司隸校尉秩二千石。

時侍中許章目外屬貴幸。

奢淫不奉法度賓客犯事與章相連豐案劾章欲奏其事適逢許侍中私出豐駐車舉節詔章曰下欲

收之章迫窘馳車去豐追之許侍中因得入宮門自歸上。

師古曰歸誠乞哀於天子也。

豐亦上奏於是收豐節司隸

去節自豐始豐上書謝曰臣豐驚怯文不足目勸善武不足目執邪陛下不量臣能否拜爲司隸校尉

未有目自效復秩臣爲光祿大夫官尊責重非臣所當處也又迫年歲衰暮常恐卒填溝渠。

師古曰卒讀曰猝。

德無目報厚。

〔補注〕錢大昭曰當作無以報厚德南監本闕本不誤先謙曰官本不誤。

使論議士譏臣無補長獲素餐之名。

師古曰素空也言不舉職務空食祿奉而已〔補注〕

先謙曰官本奉作俸

故常願捐一旦之命。不待時而斷姦臣之首。縣於都市。編書其罪。

師古曰編謂聯次簡牘也。

使四方明知爲

惡之罰。然後却就斧鉞之誅。

師古曰却退也。補注宋祁曰却字並注文却字疑作卻。

誠臣所甘心也。夫呂布衣之士。尙猶有刎頸之交。

師古曰刎斷也音吻。

今目四海之大。曾無伏節死誼之臣。率盡苟合取容。阿黨相爲。念私門之利。忘國家之政。邪

穢濁溷之氣。上感于天。

師古曰溷亦濁也音下頓反。

是目災變數見。百姓困乏。此臣下不忠之效也。臣誠恥之亡已。

凡人情莫不欲安存而惡危亡。然忠臣直士不避患害者。誠爲君也。今陛下天覆地載。物無不容。

師古曰如

天之覆如地之載也。

使尙書令堯賜臣豐書曰。夫司隸者。刺舉不法。善善惡惡。非得顓之也。

師古曰善善褒賞善人也。惡惡誅罰惡人也。顓與專同。

免處中和。

補注宋祁曰免越本作勉。劉奉世曰免當作勉。

順經術意。恩深德厚。臣豐頓首幸甚。臣竊不勝憤懣。願賜清宴。

師古曰懣音滿。

補注先謙曰。請閒賜對也。

唯陛下裁幸。

補注王念孫曰裁猶少也。裁財通用。後幸傳唯陛下哀憐財幸義同。

上不許。是後所言益不用。豐復上書言。臣聞

伯奇孝而棄於親。子胥忠而誅於君。

師古曰並解於上也。補注先謙曰官本注無也字。

隱公慈而殺於弟。

師古曰魯隱公欲立弟桓公爲其尙少已且攝位而卒爲

桓公所殺。〔補注〕宋祁曰：注文爲桓公所殺一本無公字。

叔武弟而殺於兄。師古曰：叔武，衛成公之弟夷叔也。成公避晉之難，出奔陳，使大夫元咺奉叔武以居守。其後晉人納成公，成公疑叔武而先期入，叔武將沐聞君至，喜提髮走

出，前驅射而殺之。事在左傳僖二十八年。叔武弟音大計反。〔補注〕宋祁曰：注文叔武弟下疑有弟字。

夫目四子之行，屈平之材。師古曰：屈平，卽是屈原也。然猶不能自顯而被

刑戮，豈不足目觀哉？使臣殺身目安國，蒙誅目顯君。師古曰：臣誠願之，獨恐未有云補。〔補注〕沈欽韓曰：文選傳長虞詩：進則無

云補。而爲衆邪所排，令讒夫得遂，正直之路雍塞。師古曰：雍，讀曰壅。忠臣沮心，智士杜口。師古曰：沮，壞也。杜，塞也。沮，音才汝反。〔補注〕先謙曰：沮

亦塞意。顏訓壞未安。此愚臣之所懼也。豐目春夏繫治人，在位多言其短，上徙豐爲城門校尉，豐上書告光祿勳

周堪，光祿大夫張猛。〔補注〕先謙曰：事詳劉向傳。上不直豐，迺制詔御史，城門校尉豐前與光祿勳堪、光祿大夫猛

在朝之時，數稱言堪猛之美，豐前爲司隸校尉，不順四時，修法度，專作苛暴。〔補注〕宋祁曰：修疑作循。目獲虛威，朕

不忍下吏，目爲城門校尉，不內省諸己。師古曰：省，察也。而反怨堪猛，目求報舉。師古曰：舉言其事目報怨。告案無證之辭，暴

揚難驗之罪，毀譽恣意，不顧前言。師古曰：前言，謂譽堪猛之美。今乃更言其短，是不顧也。不信之大者也。朕憐豐之耆老，不忍加刑，其

免爲庶人終於家。

劉輔河閒宗室也。

〔補注〕錢大昕曰。輔蓋河閒獻王之裔。故稱宗室。然於史家書郡縣之例未合。當云河閒人也。以宗室爲襄賁令。先謙曰。官本室下有人字。

舉孝廉爲襄賁令。

蘇林曰。賁音肥。東海

縣也。〔補注〕先謙曰。在今沂州府蘭山縣西南百二十里。

上書言得失。召見。上美其材。擢爲諫大夫。會成帝欲立趙婕妤爲皇后。先下詔。

封婕妤父臨爲列侯。輔上書言。

〔補注〕沈欽韓曰。漢紀有王仁上疏。大旨與輔同。

臣聞天之所與。必先賜目符瑞。天之所違。必先

降眚災變。此神明之徵應。自然之占驗也。昔武王周公承順天地。目饗魚鳥之瑞。

師古曰。謂伐紂時有白魚赤鳥之瑞也。事見今

文尚書。

然猶君臣祗懼。動色相戒。況於季世。不蒙繼嗣之福。屢受威怒之異者。虜雖夙夜自責。改過易行。

畏天命。念祖業。妙選有德之世。考卜窈窕之女。

師古曰。窈窕幽閑也。

目承宗廟。順神祇心。塞天下望。

師古曰。塞滿也。

子孫

之祥。猶恐晚暮。今迺觸情縱欲。傾於卑賤之女。欲目母天下。不畏于天。不媿于人。惑莫大焉。里語曰。腐

木不可目爲柱。卑人不可目爲主。天人之所不予。必有禍而無福。市道皆共知之。

師古曰。市道。市中之道也。一曰。市人及行於道路者。

也。〔補注〕先朝廷莫肯壹言。臣竊傷心。自念得目同姓拔擢。尸祿不忠。汚辱諫爭之官。不敢不盡死。唯陛下諫曰一說是。

下深察書奏。上使侍御史收縛輔。繫掖庭祕獄。

師古曰。漢書舊儀。掖庭詔獄令丞。宦者爲之。主理婦人女官也。〔補注〕周壽昌曰。谷永傳云。又以掖庭獄大爲亂阱。撻鑊繫於炮烙。絕滅人命。

主爲趙李報德復怨。今輔正以論趙氏繫此獄。

羣臣莫知其故。於是中朝左將軍辛慶忌。右將軍廉褒。光祿勳師丹。太中大夫谷

永。

孟康曰。中朝。內朝也。大司馬左右前後將軍。侍中。常侍。散騎諸吏。爲中朝。丞相目下至六百石。爲外朝也。〔補注〕劉奉世曰。案文則丹永皆中朝臣也。蓋時爲給事中。侍中諸吏之類。錢大昕曰。漢書稱中朝官。或稱中朝者。其文非一。唯孟康此注最爲分明。蕭

望之傳。詔遣中朝大司馬車騎將軍韓增。諸吏富平侯張延壽。光祿勳楊惲。太僕戴長樂。問望之計策。王嘉傳。事下將軍中朝者。光祿大夫孔光。左將軍公孫祿。右將軍王安。光祿勳馬宮。光祿大夫隗勝。〔隗勝傳又有司隸鮑宣。〕光祿大夫非內朝官。而孔光隗勝得與議者。加給事中故也。此傳太中大夫谷永。亦以給事中故。得與朝者之列。則給事中亦中朝官。孟康所舉。不無遺漏矣。光祿勳掌宮殿掖門戶。在九卿中最爲親近。昭宣以後。張安世。蕭望之。馮奉世。辛慶忌。皆以列將軍兼領光祿勳。而楊惲爲光祿勳。亦加諸吏。故其與孫會宗書。自稱與聞政事也。然中外朝之分。漢初蓋未之有。武帝始以嚴助。主父偃輩。入直承明。與參謀議。而其秩尙卑。衛青。霍去病。雖貴幸。亦未干丞相御史職事。至昭宣之世。大將軍權兼中外。又置前後左右將軍。在內朝預聞政事。而由庶僚加侍中給事者。皆自託爲腹心之臣矣。此西京朝局之變。史家未明言之。讀者可推驗而得也。又攷趙婕妤父之封侯。在永始二年四月。則劉輔繫掖庭獄。亦當在是時。而公卿表。慶忌爲左將軍。師丹爲光祿勳。皆在三年。廉褒爲右將軍。則在四年。谷永爲太中大夫。依本傳推校。亦當在三年。此傳所書諸人官位。俱爲乖舛。周壽昌曰。段會宗傳贊云。廉褒以恩信稱。而褒無傳。百官表。成帝永始四年。執金吾廉褒爲右將軍。五年免。西域傳云。都護廉褒賜姑莫匿等金二十斤。繒三百匹。當在建始年中。爲執金吾以前。其可見者。惟此上書列名。及孔光傳

議立定陶王兩事。卒坐濇子長王立事，免爲庶人。後又起用事王莽，雜見莽傳。子廉丹，其後人廉范，後書有傳。

俱上書曰：臣聞明王垂寬容之聽，崇諫爭之官，廣開忠直

之路，不罪狂狷之言。

師古曰：狷，急也。音絹。

然後百僚在位。

〔補注〕宋祁曰：漸本無然字。予謂然後字當刪，當作使百僚在位。

竭忠盡謀，不懼後患，朝廷

無譎諛之士，元首無失道之僞。

師古曰：元首，謂天子也。譎，古詔字也。〔補注〕先謙曰：官本注末無也字。

竊見諫大夫劉輔，前目縣令求見，擢爲

諫大夫，此其言必有卓詭切至，當聖心者。

師古曰：卓，高遠也。詭，異於衆也。

故得拔至於此，旬日之間，收下祕獄，臣等愚

目爲輔，幸得託公族之親，在諫臣之列，新從下士來，未知朝廷體。

〔補注〕宋祁曰：一本，來字上有而字，體字上有之字，漸本無。

獨觸忌諱，

不足深過。

〔補注〕先謙曰：過，責也。

小罪宜隱忍而已，如有大惡，宜暴治理官，與衆共之。

師古曰：令衆人知其罪狀而罰之。〔補注〕先謙曰：官本無與字，引宋

祁曰：衆共之衆字上疑有與字。

昔趙簡子殺其大夫鳴犢，孔子臨河而還。

張晏曰：趙簡子欲分晉國，故先殺鳴犢，又聘孔子。孔子聞其死，至河而還也。師古曰：戰國策說二人姓名，云鳴犢、鐸鐸，而

史記及古今人表，並目爲鳴犢、鐸鐸，蓋鐸鐸及寶，其聲相近，故有不同耳。今永等指舉殺鳴犢一人，不論寶鐸也。〔補注〕先謙曰：官本注，指作止。

今天心未豫。

張晏曰：豫，悅豫也。

災異屢降，水旱迭臻，

師古曰：迭，互也。音徒結反。

方當隆寬廣問，褒直盡下之時也，而行慘急之誅於諫爭之臣，震驚羣下，失忠直心，假令輔

不坐直言。所坐不著。

師古曰。著明也。

天下不可戶曉。

師古曰。言不可家家曉喻之也。〔補注〕先謙曰。官本喻作諭。

同姓近臣。本目言顯。其於治親。

養忠之義。誠不宜幽囚于掖庭獄。公卿目下。見陛下進用輔亟。而折傷之暴。

師古曰。亟急也。

人有懼心。

師古曰。人人皆。

懼也。精銳銷矣。

蘇林曰。奕。弱也。師古曰。音乃喚反。〔補注〕先謙曰。官本注。音上有奕字。

莫敢盡節正言。非所目昭有虞之聽。廣德美之風也。

師古曰。舜。

有敢諫之鼓。故言有虞之聽也。一曰。謂達四聰也。

臣等竊深傷之。唯陛下畱神省察。上迺徙繫輔共工獄。

蘇林曰。考工也。師古曰。少府之屬官也。亦有詔獄。共讀與龔同。

〔補注〕周壽昌曰。百官表。少府屬有考工室。王莽始改少府曰共工輔獄。在成帝時。此共工應仍曰考工爲是。

減死罪一等。論爲鬼薪。終於家。

鄭崇。字子游。本高密大族。世與王家相嫁娶。

師古曰。女嫁王家男又娶也。

祖父曰訾徙平陵。父賓。明法令。爲御史。事

貢公。

師古曰。貢禹也。〔補注〕周壽昌曰。貢禹稱貢公。蕭育傳亦如此。

名公直。崇少爲郡文學史。至丞相大車屬。

如淳曰。丞相大車屬。如今公府御屬。

弟立與高

武侯傅喜同門學。相友善。

師古曰。同門謂同師也。

喜爲大司馬。薦崇。哀帝擢爲尙書僕射。數求見諫爭。上初納用

之。每見。曳革履。

師古曰。執曰。韋生曰革。

上笑曰。我識鄭尙書履聲。久之。上欲封祖母傅太后從弟商。崇諫曰。孝成

皇帝封親舅五侯。天爲赤黃。晝昏。日中有黑氣。今祖母從昆弟二人已侯。孔鄉侯。皇后父。高武侯。目三

公封。尙有因緣。

師古曰。孔鄉侯傳晏也。高武侯傳喜也。〔補注〕周壽昌曰。喜爲大司馬。故曰以三公封。因緣二字始此。六朝造譯佛經者沿用之。

今無故欲復封商。壞亂制度。逆天

人心。

〔補注〕宋祁曰。心上疑有之字。

非傅氏之福也。臣聞師曰。逆陽者厥極弱。逆陰者厥極凶。短折。

〔補注〕沈欽韓曰。鴻範五行傳王之不極。

是謂不建。厥極弱。注。天爲剛德。剛氣失。故於人爲弱。案君者法天。失君道爲逆陽。思之不容。是謂不聖。厥極凶。短折。注。殖氣失。則於人爲凶。短折。案土位陰。違土性爲逆陰。

犯人者有亂亡之患。犯神者有疾

天之禍。故周公著戒曰。惟王不知艱難。唯耽樂是從。時亦罔有克壽。

師古曰。周書亡逸之篇也。言王者不知稼穡之艱難。唯從耽樂。則致天喪。無能壽考。

也。故衰世之君。夭折蚤沒。

師古曰。蚤。古早字也。〔補注〕先謙曰。官本。早作早。是無也字。

此皆犯陰之害也。

〔補注〕宋祁曰。浙本。陰字下有陽字。

臣願目身命

當國咎。崇因持詔書案起。

李奇曰。持當受詔書案起也。師古曰。李說非也。案者。卽寫詔之文。〔補注〕沈欽韓曰。廣雅。案謂之檄。攷工記。玉人之事。案十有二寸。注。案。玉飾案也。禮器注。禁如今方案。隋長局足高三寸。此詔書

案者。承受詔書之案。吳志。孫權拔佩刀斫前奏案。古者進食奏書。俱別設案。李說是也。先謙曰。通鑑胡注。更始時。常侍奏事。韓夫人起。抵破書案。則案非文案之案也。

傅太后大怒曰。何有爲天子。乃反爲

一臣所顛制邪。

師古曰。顛與專同也。〔補注〕先謙曰。官本。注無也字。

上遂下詔曰。朕幼而孤。皇太后躬自養育。免于襁褓。教道

目禮。至於成人。

師古曰。道讀曰導。

惠澤茂焉。

師古曰。茂美也。

欲報之德。睚天罔極。

師古曰。詩小雅蓼莪之篇曰。父兮生我。母兮鞠我。欲報之德。昊天罔極。言欲報父母之恩。

德。心無已也。呼昊天者。陳已至誠也。睚字與昊同。

前追號皇太后父爲崇祖侯。惟念德報未殊。朕甚惡焉。

師古曰。殊。異也。惡。愧也。音女六反。

侍中

光祿大夫商。皇太后父同產子。小自保大。

如瀋曰。太后從小養之。使至大也。

恩義最親。其封商爲汝昌侯。

〔補注〕錢大昕曰。哀紀。建平四年二月。封帝太后從弟侍中傳商爲汝昌侯。六月。尊帝太后爲皇太后。此詔稱皇太后。史家追改。

爲崇祖侯後。更號崇祖侯爲汝昌哀侯。崇又曰

董賢貴寵過度諫。由是重得罪。

師古曰。重。音直用反。

數目職事見責。發疾頸癰。欲乞骸骨。不敢。尙書令趙昌佞譫。

素害崇。知其見疏。因奏崇與宗族通。疑有姦。請治。上責崇曰。君門如市人。何目欲禁切主上。

師古曰。言請求者多。

交通賓客。崇對曰。臣門如市。臣心如水。

師古曰。言至清也。

願得考覆。上怒。下崇獄。窮治。死獄中。

孫寶。字子嚴。潁川鄆陵人也。

師古曰。鄆音偃。

目明經爲郡吏。御史大夫張忠辟寶爲屬。

〔補注〕周壽昌曰。忠爲御史大夫。在建始四年。

欲

令授子經。更爲除舍。

師古曰。除。謂修飾埽除也。

設儲侍。

師古曰。謂豫備器物也。侍。音丈紀反。

寶自劾去。忠固還之。

師古曰。固者。謂再三留之。

心內不平。